

მ ე ს ხ ე თ ი

წერილი მ. ჯანაშვილისა



დაიბეჭდა ათას ცალად დაზარალებულ მესხთა
სასარგებლოდ.



თბილისი

იმპერა „შორაპანი“ მაღათვების კუნძული № 1.

1915

მ ე ს ხ ე თ ო.

1. სახელოვან გეოგრაფისის ვახუშტის სიტყვით, თავ-დაპირველად მთელს მესხეთს ისე, როგორც დანარჩენ ჩვენ მიწა-წყალს, ეწოდებოდა ქართლი ანუ საქართლო, საქართ-ველო. მესხეთი იყოდებოდა სამ საგამგეოდ.

მისი ერთი ნაწილი ფანაგრის ტბიდგან კლარჯეთის მთა-შედე და შავ ზღვამდე შედიოდა მცხეთ-ქართლის სამფლობელოში და ამ სამფლობელოს ქვემო ნაწილს ეწოდებოდა შიდა-ქარ-თლი (მცხეთ-არაგვილამ ფანავრამდე), ხოლო ზემოს—ზემო-ქართლი.

ამ ზემო ქართლს შეადგენდნენ სამცხე, გურია, ლიგა-ნი, შავშეთი, არტანუჯი, ფანასკეტი, ოლთისი და ტაო ანუ ტაოსკრი.

მეორე საგამგეოდ ითვლებოდა ჯავახეთი, რომელსაც შეადგენდნენ ჯავახეთი, არტანი (არდაგანი), ერუშეთი, კო-ლა და მტკვრის აღმოსავლეთი.

მესამე ერთეულს წარმოადგენდა კლარჯეთი, რომელ-საც შეადგენდნენ თორთოში, ხახული, ისპირი, ფორჩხა და ჭანეთი.

ყველა ეს ადგილები, გარდა ქანეთისა, მომწყვდეულია მტკვრისა და ქოროხის ხეობებში. მაგრამ იყო დრო, მაგ-შერვე—მეათე საუკუნეში, როდესაც ჩვენი მეცნიები ბიზანტი-ის იმპერიატორებს ეცილებოდნენ—არზრუმიც ჩვენია.

იმპერიატორი კოსტანტინე ძოწითმოსილი სწერს 452 წელს: „ქარ-თველთა მეფე აშოგა არგანუჯი დაუთმო იმპერიატორს რომანიზ ლაპ-კნს (920—944 წ.).“ მაგრამ ქართველმა მეფე გურგენმა და მისმა ძშაბ-

ჰეუთვალეს, თუ ჯარს შემოიყვან არტანუჯში, განვიდგებით და სარკი-
ნოშებს, მივემხრობითო. მიიღო—რა იმპერატორმა ესეთი განცხადება
მაშინათვე არტანუჯის ციხიდამ გაიწვია თავისი მეციხოვნები. ამას წი-
ნად ბასიანი ეპყრათ სარკინოზებს. იმპერატორ ლეონმა (886—912 წ.)
გაგზავნა ლაშქარი, რომელმაც აიკლო ბასიანი და თეოდოსიოპოლი
(არზრუში). ამ იმპერატორსა და მერე ლავაპენსაც სურდათ დაეყრათ
ცეცხლუმი, რათა მოესპოთ ამ ქალაქისთვის შეძლება სურსათი შეეტანა
არზრუშში. მათ აღუთქვეს ქართველთა მეფეს, თუ დაიპყრობ არზრუშს,
შენ გაკუთვნებთო, მაგრამ ქართველებმა ეს არ ისურვეს სიყვარულისა
გამო იმ ქალაქის ცეცხლუბლებისა და მიტომაც, რომ ქალაქის დან-
გრევის წინააღმდეგნი იყვნენ. მაგრამ როდესაც ბიზანტიელებმა ააოხრეს
ხსენებული ადგილები, მოვიდენენ ქართველები და დაიჭირესეს მიდამოე-
ბი არზრუშმითურთ. მოხდა შერიგება. ბასიანის ნაწილი (არაქსის ჩრდი-
ლოეთის კოდებიდამ მოკიდებული) დარჩა ქართველებს, ხოლო მეორე
ნახევარი (სამხრეთისა) სპეციალური.

**ჭანეთს ანუ ლაზისტანს დღეს უჭირავს ვიწრო ზო-
ლი ჭანეთის-მთასა და შავ-ზღვას შორის ტრაპიზონამდე, მა-
გრამ ჭანთა მფლობელობა უწევდა მდინ. ლალისამდე (ჭანურ-
მეგრული ლალის უდრის ქართულს დელესი, დელის ხევი,
მდინარე).**

ჭანთა ასეთი ფართო მოსახლეობით იახსნება ის, რომ
კოსტანტინეპოლისა, იერუსალიმისა და სხ. ადგილებისწერებ-
ნები, როგორც იუწყება გ. ნადარეიშვილი, დღესაც ტრა-
პიზონ-სამსუნის მთელ მიდამოს ლაზისტანს ეძახიან.

მეცე ღობაზიონის უამს (457—474 წ.) საქართველოს
დასავლეთ მიჯნად დაიდო, —გამოჩენილ დანიელის შუაკაცო-
ბით, —ხუფალი ანუ ხოფა^ა). ამ ხოფას იქით არის რიზა, რო-

* ხოფათი=ხუფა (ქართ. ცხ. 224, 227, 247): დავით ალაშენებე-
ლმა „სპათა ქართლისათა მზაობა უბრძანა და თვით ქუთაისს გარდავიდა...
თოვესა თებერვალსა (1116 წ.) აცნობა ქართლელ-მესხთა, რათა კლარ
ჯეთს დახვდნენ პაემანსა, და თვით შიდითა სპითა ხუფთით ჭორობის პი-
რი წარვლო... ბასიანამდე (ქ. ცხ. 245). № 397: „იყო მათ დღეთა
შინა: მოვიდა ღობაზიონს მეფე აფხაზთად ხილვად ნეტარისა ლეონ მე-

შლის დასავლით ჭანეთის მთიდამ ჩამოვარდების მცირე მთა ზღვამდე და ეს მთა საზღვრავს, ამბობს ვახუშტი, საქართველოსა და საბერძნების, აქვე არის რეინის-პალი და სატყებელა-და აქვე მეფე არჩილმა († 718 წ.) ააშენაო ციხე, ალბალ, რიზა. მის გაყოლება ხაზი ჭოროხის სათავის მთებამდე შეადგენს საქართველოში შემოსასვლელ კარს და იწოდება საქართველოს ყელბად, რომელსაც ოსმალთა მფლობელობაში გადაერქვა გურჯი—ბოლაზი (= ქართლის ყელი).

ზედა-პირი მესხეთისა უსწორ-მასწოროა, ლვლარქნილი, კლდოვან-ლრატოვან-ლრილლოვანი, მთიან-გორიანი. უდიდესი მთებია ფერსათი, არისიანი, მესხის-მთა, პარხალი და ჭანეთის ანუ პონტოს მთა.

ამისთანა შენობის გამო „მთა-ბარი აბლორებს ესრეთ: ეამისა ანუ ნახევარ ტამისა ($\frac{1}{2}$ საათის) სავალთა არს თოვლი, და ბართა ნარინჯი, თურინჯი, ზეთისხილი და ყოველნი ნაყოფნი“ ხარობენ.

ამისგამოვე ადგილ-ადგილ ზამთარი ცივია, დიდ-თოვლიანი, ხოლო ადგილ-ადგილ ფრიად თბილი, ზაფხულობით კი ჰავა ზოგან შეზავებულია, ზოგან კი ცხელი, გაუძლისი. ცივი, გმერიელი და შემჩრენი წყაროებით მეტად შემკულია ეს ქვეყანა.

ფისა (457—474 წ.) ბერძნთახასა, და წარიყვანა იგი მეფემან და აღვია და წმიდისამის(დანიელის) დაინილა რამუცხვიგისილვად და მოქალაქეობად ანგელოზებრივი, ლობაზიანოს დავარდა პირსა ზედა თვისსა და თქუა გმადლობ შენ მეუფეო ცათათაო, რამეთუ ქვეყნისა მეფისა მიერ დიდთა საკირველთა ზილვად ლირს მყავ მე მონაც შენ და მიჩურნ რომელი არა სადა მენახა ქვეყანასა ზედა“. ხოლო აქუნდა ორთავე ამათ მეფეთა საურავი რამდე ქვეყანათად დაწყნარებისათვის და ზღვართა განკუთხისა—საღმირს არს საბერძნეთისა ანუ მეგრელთა აფხაზეთისა სამეფოსად. და უთხრეს წმიდასა და მონასა ლთისასა დანიელსდაიგი იქმნა შუამდგომელ მათდა, და და-ლვეს ხაზღვრად ციხე ხუფათი. და აღუთკუეს ურთი-ერთას შეკიდობად და სიყვარული ამისითა სიტყვითა. და შემოვიდა მეფე ქალაქად (კოსტანტინიებოლედ) და ვანუტევა ლობაზიონ მამულსა თვისსა.“

ყოველი მარცვალი ნაყოფიერებს აქ, თუმცა არა ყველგან-მრავალნაირი ხილი ხარობს, მეტადრე ფორთოხალი. აქაუ-რობა შემკულია წალკოტებითა, მტილებითა და სავარდევებით. მთა და ველი ფშვის შროშნით.

ვახუშტი განაგრძობს: „პირუტყვნი ყოველნი მრავლად, ნადირნიც, არამედ ქურციკი არა არს. ფრინველნი ურიც ცხვნი, გარნა დურაჯი, შეერო, ასკატა არა არს აქა. ჩიტ-ნი და სირნი უამრავნი. მდინარენი მრავალნი, დიდნი და ჩქარად მომდინარენი. წყარონი ტყბილნი, შშვენნი და კარგნი, ტბანი კეთილნი და თვეზიანნი, და უმეტეს კალმახნი ღიდნი და წვრილნი. არამედ ზუთხი არა არს მდინარე-ტბათა ამათ შინა, არცა კირჩხიბი. მწერნი და მძროშელნი ადგილ-ადგილ მრავალნი და ადგილად არა ეგოდენნი. ფუტკარი მრავალი, თაფლნი კარგნი და მრავალნი. ადგილად აკეთებენ აბრეშუმსაცა მცირედ. ხოლო კაცნი და ქალნი არიან მგზავნი ქართველთანი, არამედ უმეტეს ნელიად და ენა-ტყბილ-მშვენიერად მოუბარნი, ტანოვანნი, მხნენი, შემმარ-თებელნი, შევნიერნი, ცოდნა-ხელოვნების მოყვარენი, არა-მედ აწე, მაჰმადიანობის გამო, არლარა. ენა საკუთრად აქვსთ იგივე ქართული...

„ჭანეთში კაცნი არიან ხელოვანი ხის მუშაკობითა და შენებითა ნაეთა, დიდთა და მცირეთა. სარწმუნოებით აწ სრულიად მაჰმადიანნი, გარნა მცირედნი ვინმე მოიპოვებიან ქრისტიანენი და უწყიან ვიეთთამე კვალად ქართული ენა“

მესეთის დიდებულები, რომელთაც ჰქონდათ საკუთარი შონასტრები, სასაფლაო, ციხეები და ყმა-მამულები, ესენი იყვნენ: კავკასიძები (ამათ ეკუთვნოდა დიდებული პარხალი), სამდივარი (პირველ საუკუნეში ესენი მთავრობდნენ აწყურს. ამათგანივე იყო გამოჩენილი კარავ ჯაველი (ქ. ცხ. 43;282), აფალიშვილი, სლესარი, ლასურიძე, თაქთირიძე, ხურსიძე (ჩორჩანის მფლობელი), დასამიძე, ბოკოსძენი, ოლიდასშვი-

ლი, შალიკაშვილი, ქამქამიძე, რჩეულიანი, ფროლიანი, უზნაძე, ფანასკერტელი (შემდეგში ციციშვილი), სპასალარნი, ხახულარნი, ანდაველნი, კოპასძენი, თუხარელნი. აქაურებივე იყვნენ გოგიბაშვილნი, ლონგისძენი, ლობერნი, ამატაკიანნი, ბულლადარისშვილნი, ასპანისძენი, ღუჯისძენი, და სხვ.

მთელს მესხეთში მცხეთის კათალიკოზს ჰყვანდა 13 ეპისკოპოსი. ვურთავ მათ შესახებ ცნობას ძეგლიდამ:

„მაწუუერელიგვირგვინ-ბისონიანი არს. ამისი სამწყსო: ყვიბის-კორტანეთს შუა რომ წყარო დის, იმას ზეით ხელბადა სადგერი, სულ აწყური, დიასამიძის სახლი, და აზალციხესის-წყლის გაღმართი გურიის წალგომამდის.

კუმურდოველის სამწყსო: ხერთვის ზეით სულ ჯავახეთი სვეთამდი.

იშხნელის სამწყსო: გურჯი-ბოლაზს აქეთ, სულა თორთომი, ტაოს ქვემოთი არტანუჯის თავის საკრულავი ჰქვიან იმას აქეთ, გაღმა ორჯოხის მთის აქეთი, სულა საკავკასიძო ისპირ-ტრაპიზონის მთას გარდმოლმა.

ანჩელის სამწყსო: სამწყალს აქეთი, ხანცას და ოპიზას შუა დაახატულაა, იმას ქვემოთი ნიგალის-ხევი, გაღმა და გამოღმართი გონიას საზღვრამდინ.

მტბევარის სამწყსო: დახატულას ზედათი ანაკერთს აქეთი სულა შავშეთი მიჭიხიანთ ბატონის კათალიკოზის იმ ქვეყნის ეპისკოპოსის იასაულიც ის ყოფილა, აქარა-დანდალათ ზეითი მას ჰქონია, დანდალოს ქვემოთი აქარა ქუთათლის სამწყსო ყოფილა.

წურწყაბლის სამწყსო: ხურსიძის სახლი, სულა ბოკოთხევი ხერთვის ქვეით.

წყაროსთაგელის სამწყსო: ზევთი და იმის ზეით პალაციო კოლას საზღვრამდინ მტკვარს აქეთი. აქ არტანი.

ერუშნლის სამწყსო: ტალაშოს ზეითი, სულა არტანი კოლის საზღვრამდინ.

ვალაშკერტელის საწყმსო: ყალბევანს ზეით ვალაშკეთს აქით ხინუსი და დევაბოინს აქეთი.

ანელის სამწყსო: სულა ზირიშტრიანი და შირავონი და მალაბერეთი.

კარელის სამწყსო: სულა კარი და კოლისა და ოლთის სის საზღვრის გარდმოლმა გაგჩევანი და კალბევანი.

ბანელის სამწყსო: სულა ბანი, ტაოსყარი, ფანასკერტი, ჰარიზის ხეობა, სულა ოლთისი და ნარუშავანი.

დადაშნელის სამწყსო: სულა კოლა და ხორტევანი ყარაბალზედ მიღებამდი.

ამ ეპისკოპოსებთ მაკურთხეველი და უფროსი ქართლის კათალიკოზია; იმის ხელთ არის ყველა.“

2. მესხი, იმერი, ქართლელი და კახი ძველი დროით განვე ასე დაუხასიათებია ერის დაკვირვებას:

„პირველ თქმულია ძველთაგან
სიღარბაისლე მესხისა ;

ზრდილნი არიან იმერნი,

მტერთა მიმცემი რისხისა;

პურადობა და ვაჭრობა

ქართლელს არ ეწრახისა;

ომი და ლხინი კახისა.

მოსაწონია კაცისა“

ესენი თავიანთ განსაკუთრებულ თვისებებით ერთი მეორეს შეავსებდნენ, ამშვერებდნენ. ერთად, ძმურად მოღვაწეობდნენ მშვიდობიანობასა და ბრძოლა—ომის ღროსაც.. საერთო საქმეს ყოველი კუთხის ქართველი საღმთო შურით, თავ-დაუზოგველად ეტანებოდა. აგერ სამეფო ღროშა გაშალეს.

„შეკრბა ღილუბეს ლაშქარი:
 კანი ფარ-შუბით, თუში ხმლით,
 ფშავ-ხევსურს ჰშვენის აბჯარი,
 მკლავით ძლიერით ქართლელი,
 ვით ციხე-ბურჯი მაგარი,
 ოსი ფეხ-მარდი, მთიული
 ბრძოლაში შეუპოვარი,
 მესხი სწავლითა ქებული,
 გმირი იმერი ზრდილობით,
 და მშვილდოსნობით აფხაზი
 გურულ-ხეან მეგრი მკვირცხლობით...“*)

წინ რა დაუდგებოდა დაუქლეველი ამისთანა ერთობას! ქვეყანა იმოსებოდა საკვირველ შენობებით, მოხატულ-მოჩუქურთმულებით.

ითხრებოდა რუ არხები ურწყავ ადგილების გასანაყოფიერებლად, მწიგნობრობასა და მგოსნობას ფრთა ეშლებოდა.

ქართველობა შარავანდელით იმოსებოდა და მის იერსა და ჰანგს პატივით ეპურობოლნენ კულტურისანი ერები.

ამ მხრივ ქართველობას მოელოდა უმეტესი ზრდა-განვითარება, მაგრამ, ჩვენდა საუბელუროდ, დიდებული მესხეთი მის-და უნებურად გამოვარდა საერთო შეწყობილობიდამ და მით შეასუსტა საქართველოს სამეფოს ძარღვის ცემა.

უკულმა ტრიალი იწყო მონგოლების შემოსევის დროიდამვე. საქართველოს მტრების წაქეზებით განდგნენ მესხეთის ათაბაგები. თავიანთ-თვის ცალკე სამართალიც შემოიღეს (ბექა-ალბულას კანონები). „მეფე“ მზექაბუქმა (+ 1516 წ.) ანტონქის პატრიარქს დოროთეოსს საათაბაგოს სამღვდელოებაც გამოაყინია მცხეთის საკათალი კოსოლამ, და დაუმორჩილა აწყუ

*) დედანში იგივე: „გურული. მეგრი მკვირცხლობით“.

რას პატიტროპოლიტოს*). რად დღე, ათაბაგები უფსკრულისკენ

*) აქეე ვბეჭდავთ ამ პატრიარქის ეპისტროლებს, რომელიც მიჰყება მისივე აზებულ ენაზე დაწერილ გრძელ სიგელს (საეკლ. მუშ. № 193): „დიდებად ღმერთსა მარადის ყოვლისა შემძლებელსა და დიდებულს. ამინ. მლოცველი და მოყუარე სულთა თქვენთა წყალობითა ღოთხათა დორო- თეოს პატრიაქი ღიღისა ღოთხა ქალაქისა ანტიოქიისა და ყოვლისა აღ- მოსავლეოთისა მოგიმუნებ: წყალობად და შევიღობად და შეწევნა ოკული- სად ჩუქნისა იქსოვს ქრისტეს მიერ ტქუენზედა და ყოველსა საბრძანებელ- სა თქუენსა. რომელმან განამტკიცნა წმიდანი მოციულნი სიონს ქრისა მას ზედა განყოფითა ცეკვლისა ენათათა და მისცა ცნობად ყოველთა ენათა, და მათ მიერ მოინაცირნა ყოველნი ნათესავნი, ლოცვად მათი და კურთხევად გარდამოვედინ სულთა და კორცთა თქუენთა ზედა და ყოვე- ლსა საბრძანებელსა თქუენსა რომლისა ბრძანებითა ვიძულენით თქუმად ამის ღიღისა პატრონისა მზე-ქაბუკის მიერ: რამეთუ მაგან ღდენ მხოლო- მან იურუბუმა ჭეშმარიტად ემბაზსა შინა ნათლისლებისასა: რამეთუ სა- დაცა მოიწიოს ჰინჯ (ცხენი) მაგისი, დათრგუნოს ჭეშმანად მტერთა თვინიერ შერმოსა მოსცის ღმერთმან ადგილი იგი: ანუ რომელთა იხილონ წუბ- რი ჰინრისა მისისა, თვნიერ კუტების ლტოლვით იქმენინ ყოველნი ჭინაალმდგომნი მისინ: პატიოსნისა და ღოთხა მიერ განმტკიცებულისა და განძლიერებულისა ღიღისა ჩუქნისა და ყოვლისა აღმოსავლე- თისა კელმწიფისა პატრონისა მზე-ქაბუკისაგან... სამარადისოდ ყოს ღმერთმან პატივი და დიდებად, ძალი და სიმტკიცე მათი უკუნისამდე. და აღამაღლოს პატივი მისი და ბედნიერჭყოს, და დაანთქნას მტერნი მისინ და მოსცეს ძლევა მათ ზედა მას და ყოველსა მეედრობასა და ერ- სა მისსა, და აღიდოს სახელი მისი მზისა და მოვარისაებრ და სრულყოს ყოველი ნებად და წადილი მისი იკვალმან და ღმერთმან ჩუქნმან იქსოვ ქრისტემან: და გარდამოველინოს მას ზედა მაღლი და კურთხევად მისი, რომელსა უცყვიოს სჯული და მცნებად ღვთისად და სიმართლით ჰმისახუ- რებს ეკვლესიასა და სჯულსა მართლმადიდებელთასა:.

მერმე ებრძანა აწყურისა ღოთხსშობლისა საქმენი პირველნიცა და უკანის რად გარდევდა და თუ რახამნი სასწაულინ აღასრულნა და ვეტ- ყინები სურველითა და სიყარულითა მისითა და ვევედრები, რათა მეცა ღირს მყოს სილვად და თაყვანისცემად მისა: და ესეცა ვითარმედ აწერა წარუცლენინან კაცნი სოფსგუტრდის(?) და ჩუქნიცა ებისკოპოზი ყოველიყო მათ წინაშე სახელით გრიგოლ ებისკოპოზი ბოლოზნისა და მას თვით წეცადა ყოველი საქმე და თუალითა ეხილა და გულის კმაც ეყო უს-

მიაქანებდნენ თავიანთ საათაბაგოს. 1626 წელიშადი შეიქმნა საბედისწეროდ: უარყოფილ იქმნა ქრისტიანობა და მასთან ერთად მამა-პაპათა მიერ შექნილი და დაზოგვილი საკრისტიანო კულტურა. ყევლანი გამაჰმალიანდნენ. ეპისკოპოსები განდევნეს. წიგნები მოსპეს. სალოცავები შეიძულეს. საყდრები დააქციეს ან მიზგითხბად გადააკეთეს. რის შემთხვერაც ვერ მოახერხეს, დასტოვეს ვერანალ... მრავალი მითგანი (თითქმის ნახევარ მილიონამდე) იყარა და გადასახლდა ბრუსას, სამსუნს და სხ. ასე მოგვწყდნენ ეს ერთსისხლ და ერთახორც ძმანები, ჩვენთან ერთად ერთ ენაზე მოლაპარაკე ქართველები, დიდებულ წინაპრების შვილები. აღსრულდა წინასწარმეტყველის სიტყვები (ესათ ვ. 13—15; იერემ. 50, 39): „ქალაკთა შინა დაემკვიდრნენ ურჩხული; ქალაკთა შინა აღმოსცენდნენ ეკალთა ხენი, ცოხენი მათი იქმნენ საყოფალად ურჩხულთა და სამკვიდრებელად სირთა, და შეითხვივნენ ეშმაკნი და ვირ-დევნი. მუნ განისვენებენ ვირდევნი, მუნ მართვენი ისხნენ გძლარბთა, მუნ შეკრბენ ნაღირნი“.

მის შემდეგ მესხეთმა, ვერ აღმოაცენა ვერც ერთი მნა-ჯულოება მეფეთა და ერისა მათისა: და პატრონისა მზეჭაბუკის ღვთის-მოშებაა: და მართლ-მადიდებლობაა და ღუთისმოყვარეობაა ყოველივე განგუაცადა და გულისყმა გბყო:. და ეგრეთვე მაწყუერლისა სიკეთე და ღვთის მოშიშებაა და მართლ-მადიდებლობაა და მეცნიერებაა და სჯულთა ღვთისათა კეთილად კყრობაა, და დაცვა მცნებათა ღოთისათა. პმისთვის, კითარცა ჯერ იყო და სამართალ, მაღლითა ღვთისათა და შეწევნითა ღიღისა მოციქულთა თავისა პეტრესხთა ვინებებს და მას მივათვალეთ ყოველი საბრძანებელი პატრონისა მზეჭაბუკისი. ოთხ ებისკოპაზნი მისგან კურთხოდენ ყოველნევ; და მისსა წესსა და ბრძანებასა ჰმორჩილობდენ და სჯულთა მისთა ერჩდენ და მისგან იმყენებოდენ. და მაჟურთხეველნი მისნი კურთხეულ იყვნენ და მწყვეარნი მისნი წყუულ, და მისდა მიგუიცემის მაღლითა ღუთისათა კულმწიფებაა ზეკრვისა და განკანისა და რომელნი აკურთხნეს, კურთხეულ იყვნენ, და რომელნი შეკრნეს, შეკრულ იყვნენ. ამინ:

თობი, მაშინ, როდესაც დანაშთენ საქართველომ აღმოაყვა-
ვილა მთელი რიგი სჯულმდებლებისა, მემატანეებისა, მეი-
გავ-არაკეთა, პირველ ხარისხოვან მგოსნებისა (გურამიშვი-
ლი, ბარათაშვილი, ილია, აკაკი) და სხ. მწერლებისა და სა-
ზოგადო მოღვაწეთა.

უამათოდ, უწიგნ-უგაჩეთოდ, უსკოლოდ, უთეატროდ...
რა ვიქნებოდით დღეს ჩვენ? თუ ამერ-იმერიც იმ ბედ-შავ
1626 წელს გაჰყოლოდა მესხეთის გზა-კვალს, განა დარჩე-
ბოდალა საღმე საქართველო, ქართული სული?

მაგრამ ჩვენი სატრიულო მესხეთი თუმცა წარწირულა,
გარნა არ განწირულა. დაცემას აღდგომაც მოსდევს. სიკვ-
დილი სიცოცხლესაც ჰქონდს. აგრე ხალისდება, მაგ., საარა-
კო ფრინველი ფინიქსი: იწვის, რომ კვლავ აღორძინდეს.

ჭირნახულმა მესხეთმა საქმიოდ დაისვენა, და დასვენებ-
ბული ორკეც ძალით შეუდგება იმის ამოვსებას, რაც და-
კლდა ამ 300 წლის განმავლობაში. შეუძლებელია, ამბობს
ერის სიბრძნე, დამშრალი რუ ისევ არ ახმაურდესო. შეუძ-
ლებელია, რომ მესხებმაც დაივიწყონ თავიანთი ფრიად ნა-
ყოფიერი წარსული, თავიანთ მამა-პაპათა ბრწყინვალე მეს-
ხეთი, სამცხე-კლარჯეთ ჭანეთი, ე. ი. აკვანი საქართველოს
დიდებისა, უძეირფასესი სპექალი ქართველ მეფე-კურატა-
ლატების გვირგვინში. მესხეთი ქართველობისთვის ის არის,
—ჭინსვლა-განათლების საქვეში,—რაც საბურძნეთი კაცო-
ბრიობისათვის.

ვ. კაცობრიობის ისტორიის განთიადსვე ჩნდება მეს-
ხეთის წარჩინება.

ყოველგვარ მაღნეულბის შემუშავებას აქ ეცნობიან
იგეთი მფლობელი ერები, ვით ეგვიპტელები, უინიკელები,
ბერძნები.

აქეთკენ მოდიოდნენ ბერძენთ გმირები ოქროს საჭმისა
გასატაცებლად.

აქვე ნახეს მათ მშვენიერი სასახლეები, რომლის აუზებ-
ში დიოდაო შადრევანად ღვინო, რძე, წყალი. ნახეს მშვე-
ნიერად დამუშავებული ვენახები, ქალები, რომელნიც სხვა
და სხვა ბალახით ამზადებდნენ წამლებს.

აქაური იყო მიტრიდატ დიდი; ჭანის ქალი იყო დედა
გამოჩენილ მეცნიერ-გეოგრაფის სტრაბონისა, რომელმაც ქე-
ბით მოიხსენია ივერიის კრამიტით გადაწურული სახლები,
საზოგადო დაწესებულებათა შენობები, ერის სიმშვენიერე
და სხვა.

აქაური ქალი იყო დედა ათანასი დიდისა.

აქაური იყო წმ. ნინო, 13 წი მამანი, კვლავ გრიგოლ
ხანძთელი, სერაპიონ ზარზმელი და სხ., დამაარსებელნი პარ-
ხალისა, ტბეთისა, ანჩისა, ხახულისა, ოპიზისა, შეკრძერდისა,
ზარზმისა, ბანასი, ერშეისა. და სხ.

აქ მოღვაწეობდა დიდი მწერალი ბერაი, მიქელ მოდ-
რეკილი, უუდიდებულესი ქართველი ეფთვიმე თარგმანი, გი-
ორგი მთაწმინდელი, ეფრემ მცირე და მრ. სხვა მწერალი
პეტრიწი ფილოსოფოსითურთ.

აქ გამოჩენდა პირველი მგოსანი ფილიპე (X ს.), შემდეგ
ეფრემ მცირე და ბოლოს უკვდავი შავთელი და შოთა რუს-
თაველი.

აქ აღორძინდნენ დიდი მეფეები: — გურამები, აშოტები,
დავითები, ბაგრატები, აქედგან იყვნენ საუკუნო სახსენებელი
კათალიკოზები, მაგ. არსენი დიდი და სხვ.

ტაოელი იყო დიდებული ჩვენი მეფე დავით კურატპა-
ლატი, მამობილი ბახრატ III-ისა. „მიზეზი მყუდროებისა და
კეთილწესიერებისა მთელს აღმოსავლეთში“ და განსაცდელი-
საგან მხსნელი კასტანტინეპოლისა სახელოვან თორნიკეს
გალაშქრებით იმპერატორის მტრების წინააღმდეგ.

მაგრამ განა აქ შეგვიძლიან ჩამოვთვალოთ კველა ის
ამაგი, რომელიც მესხელებს მიუძღვით ქართველობის წინა-

შე, და თუ გინდ კაცობრიობისაც! ჩავდენი მარგალიტი დაგვიუწევ გეს მათ ჩეენ ქართველებს და ზოგიც სხვებს, გარ-მიანელებს, მაგ., „ბალავარი“, მოთხრობა „კოსტანტინების გარემოცვა სკვითთა მიერ 626 წელს“ და მრ. სხვა ტყავზე დაწერილი ძეგლი თუ ხუროთმძღვრული საუკუნო ნაშთი... აქ ვურთავთ მოკლე ცნობას მესხეთის ზოგიერთ ძეგლ-ნაშთების შესახებ.

4. სახსოვრები ქვეყნისა:

ა. ქალაქები.

ართვინი—ართვანი (ოსმალ. ლივანე) მცირე ქალაქი ჭორობის მარტენა კიდეზე, ბათომს შორავს 80 ვერსით. სახლები ფერდობებჭეა მიფენილი. მცხოვრებთა უმეტესი ნა-წილი, როგორც თვითონვე ამბობენ, შემობიზნულა ქალაქი ანის ნანგრევიდამ. ართვინის ეკლესიაში, რომელიც სომ-ხებს ეკუთვნის, არის ტყავზე დაწერილი ქართული სახარება.

არდაანი—არდანისა. ააშენაო მცხეთოსის შვა-ლმა ჯავახოსმა ორნი ციხე-ქალაქი წუნდა და ქალაქი არ-ტანისა, რომელსაც მაშინ ერქვაო ქაჯთა-ქალაქი, აწლა ჰქვიან ჰური“ (ქ. ცხ. 20). პომპონი მელა (16—60 წ. ქრ. შ.) ისტენიებს მასაგეტებს (=ალანებს—ოსებს), ქაჯებს, ჰირია-ნებს (=ჯურჯანებს) და ივერებს (პან, 97). პტოლომეოსით (120—170 ქრ. შ.) პარავანა ივერიის ქალაქია (იქვე 169) აქ იჯდა ერისთავი არტან კოლისა. ქალაქს აქვს მაგარი ცი-ხე. დაიყრეს ოსმალებმა 1530 წელს. აწ ჰქვიან არდაგანი.

არდანუჯი. ვახუშტი: „არტანუჯი ქალაქი მცირე და ციხე მაგარი, კეთილშენი. ეს ააშენა გორგასალმა, შემდგო-მად შემუსრა მურავ ყრუქ, შერე ააშენა და განაახლა აშოტ კურატალატმა და აღავთ ციხესა შინა ეკლესია ჰეტრე პავ-ლესი: მოკლეს მასშინავე და დაფლეს მუნვე. არს არტანუჯს ეკლესია გუმბათიანი, კეთილ დიდ-შეენიერ ნაგები. ეს იყო

მონასტერი და აწ არს უქმი. კვალად აქავ არტანუჯს აღა-
შენა გორგასალმა მონასტერი მეჩისა, შინდობისა და
ახიზისა, ფრიად შვენიერნი. კვალად ქმნა ახიზს ქვაბი
კლიისა გამოკვეთილნი, ფრიად მაგარნი და შეუალნი».
სენებული მეფე აშოტი იმყოფებოდა ტფილის-ბარდავს.
ქანძედ ძლიერად გაიმარჯვა არაბებზე. ამათ მაშევლად ლა-
შექით წამოვიდა ხალილი. აშოტი წავიდა არტანუჯს, გაა-
მარა ციხე, ციხის ძირს ააშენა ქალაქი. მას შემოეპარნენ
სარკინოზნი და დაქლეს ტაძარში 826 წელს. შიხი ჯარი მა-
შინ იყო დოლისყანას. გამოედევნენ სარკინოზებს და ამოს-
წყვიტეს სულ-ერთიან.

ახალქალაქი ჯავახეთშია. ააშენა ბაგრატ III. († 1014),
ხოლო მისი ციხე ბაგრატ IV-მ 1045 წელს. 1807 წელს გუ-
დოვიჩი მრესია მას, მაგრამ 1130-მდე მოლაშერე დაპკარგა
და უკან დაიხსა. იგი ოღონ პასქევიჩა 1828 წ.

ახალციხე (ოსმალურად-ახსინა) ფოცხოვის ნაპირზე, იყო დე-
და ქალაქი ზემო ქართლისა ზორედით და მაგარი ციხით,
რომელიც წინათ ერქვათ ლომისია. სარგისი იყო პირველი
დამოუკიდებელი ათაბაგი (1806—1334) ახალციხისა და
ზემო ქართლისა ანუ საათამაგოსი. ახალციხე 1828 წ. ინ-
დეს რუსებმა.

აწყური (სოსანგეთი) ციხე-ქალაქი ეკლესიით. აქ ეკ-
ლესია დაარსათ ანდრია მოციქულმა მაშინ, როდესაც აქაუ-
რობის მთავარი იყოთ ქვრივი სამიერალი. აწ ეკლესია მთლიად
დანგრეულია.

ბათომი ბათუმი ანუ Bata სტრაბონით (1 საუკ.) შა-
ვის ზღვის პირად უკეთეს ნავთხაუდელით. ვახუშტი: „კო-
როხის ჩრდილოთ კიდურზედ არს ბათომი, მცირე ქალაქი
და ციხე კარგი“. 1437 და 1474 წლებში მას პფლობდა სა-

შეგრელოს მთავარი (ბარბარო, კონტარინი), 1547 წელს
ოსმალებმა წართვეს იგი გურიელს და ძლიერი ციხე ააგეს,
ხოლო რუსებმა დაიპყრეს 1878 წელს. შას აქეთ ქალაქი გა-
დიდდა, გამშვენიერდა.

ბაიბურთი არს ყოველგნით მთით მოხვეული და თვით-
ცა მთა. ამას შინა დის ისპირის მდინარე. ამ წყალზედ, შუას
აღგილს არს ქალაქი ბაიბურთი, არა დიდი, და არიან აწ
სრულიად მოსახლენი მაპმადიანნი; მცირედ თუ ვინმე ქრის-
ტიანენი (ვახუშტი).

ბარალეთი მცირე ქალაქი ჯავახეთში.

გოკია მცირე ქალაქი ჯავახეთში მრავალის ნანგრევებით.

გონია მცირე ქალაქი კოროხის მარცხენა კიდეზე ბა-
თომის პირდაპირ. ოსმალებმა აქ ციხე ააშენეს 1547 წელს.

თმოგვი, ჯავახეთის ქალაქი, რომელიც ვახუშტის დროს
წარმოადგენდა შხოლოდ დაბას. თმოგვს, კლდეზე, მაგარი ცი-
ხეა. ბაგრატ III საქართველოს განმაერთიანებელმა იმპერა-
ტორმა, ამ თმოგვის ციხეში ამოალბო ქვეყნის გამთიშავი
მთავრები. აქაურივე იყო დიდებული სარგის თმოგველი,
„ვის-რამინის“ მთარგმნელი.

თუხარისი ციხე შევშეთში, ტბეთის პირდაპირ, ჩრდი-
ლოთ კერძ, ააშენაო ოძრახოსმა, ხოლო მირდატ მეფემ
(364—379 წ.) მასში ააგო საყდარი. ეს დაანგრია მურვან
ყრუმ, მაგრამ განაახლა ტბეთის ეპისკოპოსმა. აქაურები
არიან აზნაურები—თუხარელები.

ისპირა მცირე ქალაქი ისპირის მდინარეზე, რომელიც
გამოსდის ტბაიზონის ანუ ქანეას მთას და ერთვის ჭოროხს
ამას ისსენიებენ ჯერ ისევ ჰეროლოტე (480—426 წ. ქ. წ.),
სტრაბონი და სხ.

იშხნისციხე, ართვინს ზევით, ფრიად მაგარი. დიდშე-
ნი; ამას ზევით, ჭოროხზედ არს ხეარაშეს ხიდი
ქვიტკირისა მრავალ-თვალი, შეენიერად გებული (ვახუშტი)

კალმახი ციხე, დიდშენი, მაგარი და შეუალი. იყო სა-
ერისთო ტაოსი. ქ. ცხ. 181: „ მას ეამსა (მურვან ყრუს დროს
რომ ყველანი კავკასიონისკენ მოდიოდნენ დასამალად) პი-
ტიახშენი ვინმე არ შეუშვნეს კლარჯეთს სახლად (დედანში-
სახვად) და წარვიდეს ნახევარნი მათგანნი და შეიძყრეს კლდე
ერთი ტაოს, რომელსა ერქვა კალმახი, და აღაშენეს ციხე.“

კოდრა ციხე-ქალაქი ჯავახეთს. კოლას იხსენიებს ჯერ
ისევ ჰეკატე (მე VI საუკ. ქრ. წ.). აქედან იყვნენ ცხრანი
შმანი კოლაელნი, რომელთა ცხოვრება პლატ. იოსელიანმა
მოიტანა ხაქართველოს 1849 წელს. ხოლო ეხლა ხანს და-
ბეჭდა მარმაც.

ოლითისი. ქალაქი კარგი და კეთილ ჰაოვანი. აქ არს
ციხე მაგარი და დიდშენი. არს მეორე საჯდომად ათაბაგისა,
ვითარცა ახალციხე (ვახ.).

ოძრახე, მთის ძირში, პანტინვანის ხევის ზევით, ქალა-
ქი და ციხე, აშენებული ოძროხოსის მიერ. ვახუშტის დროს
გაოხრებული იყო. ამის უოტა ქვევით, ოცხეს არს წყაროს
წყალი აბანოდ. ჰკურნებს ქირით დახუთულს, მუწუკს, ბუგრს
(ვახ.).

ქობულეთი. არს ქობულეთი ზღვის პირს მცირე ქალა-
ქსავით და ნავსადგური ფრიად კეთილი. ამის სამხრით ჩა-
ქისწყალზე, ზღვის კიდეს, არს ციხე ქაჯეკისა, მაგარი, მა-
ღალს კლდესა ზედა შენი. აქვს გვირაბი კლდე გამოკვეთილი
გზად.

ქედა. აქარის წყალზე, ხეობის საშუალს არს მცირე
ქალაქის მგზავები დაბა ქედა. მოსახლენი არიან გაქარნი
(ვახუშ., 225)

უფლისციხე ჯაყის-წყალზე ძლიერი სიმაგრე კლასიკურ მწე-
რლების მიერ წოდებული კუელად (ჰან, 2—3). მეოთე საუკ.
დამდეგს ამირი აბულ-კასიმი მფლობელი სპარსეთისა, 60 დიდ-
დიდ ქალაქისა, უფალი 7. თა მეფეთა, შემოიკრა სახელმიწოდებელი

ლოში ლაშქრით, 100ის აქლემის საპალნე ისრით და 100 საპანე შუბით და შემოერტყა ყველის-ციხეს, რომელშიაც გამაგრებული იყო გობრონი. მხნედ იბრძოლნენ მეციხოვნეები. მაგრამ ბოლოს დამარცხდნენ. მტერმა აიღო ციხე და დაბრუნდა, ხოლო მის შიშით, ვიღრე იგი მოვიდოდა, ყველისცინის არე-მარეს ქართველობა შეიხიზა აჭარაში, რომელიც ისე გაიგსოვ ხალხით, რომ ერს შემოკლდაო საზრდო და ბევრნი ბალახეულობით იკვებებოდნენო, სწერს სტეფანე მტბევარი გობრონის ცხოვრებაში (გვ. 396)

ბ. საყდრები.

1. ოპიზი (ალბად ოპიზი, უბისი) ანუ ნათლისმცემელი. ეს დიდი მონასტერი ააშენეს შეექვსე საუკუნის პირველ ნახევარში ამონამ, ანდრიამ, პეტრემ და მაკარიმ. აქვე მოლვა-წეობდა შიო-მლვიმელის მოწაფე მიქელი, რომელმაც თავის-თვის კლარჯეთის კლდეებში ააშენა ეგვიპტერი ანუ პარები. ამ მიქელის მოწაფე იყო სერაპიონი, ზარზმის ამგებელი. ოპიზის შორი-ახლოს აშენდნენ სხვა ღიღებული მონასტერებიც. 1054 წელს ოპიზლებსა და მიჯნაძორელებს აუტყდათ ცილობა მამულების თაობაზე. ოპიზელები თავის უფლებას აშყარებდნენ სიგელზე, რომელიც მათთვის მიემოძაგურამ მამფალს († 883 წ.). ოპიზი, მიჯნაძორი ფრიად მდიდარ და დასახლებულ იყვნენ მე-XIII საუკუნეშიაც (ქ. ცხ. 404).

2. ანჩა. ეს ის ადგილია, სცა არდრია მოციქულშა (I საუკ.) დაასვენაო მაცხოვრის ხატი. „ანდრია იგი, მოციქულთა პირველწოდებული მოწაშე მეუფისა დიდისა, იდიდებოდენ ყოველთაგან ულალთა ლადოთა კლარჯეთისათა! იქ რაპოლით მოვიდა და ხატი ესე საშინელი ჩვენ, მოსავთა მითა, მოუგანიქა“. იქაური ღვთაების ხატი (VII ს.) ღლეს ასევნია თბილისის ანჩისხატის საყდარში, სიგრძით არის ერთ ნახევარი ალაბი, სიგანით 1 ალაბი. ძვირფასად შემკულია დიდრონ და

ფას-დაუდებელ თვლებით. უკანასკნელად იგი შეუმჯია ეპი-
სკოპოს იოვანე რქნაელს თამარ მეფის დროს. მისი მოქედო-
ლობა ეკუთვნის ბექას.

ხანძთა ანუ ხანძცთა. აქ განითქვა დიდებული გრი-
გოლ ხანძოელი (759—861 წ:). იგი იყო ქართლელი. აღი-
ზარდა ნერსე ერისთავის სახლში ამ ერისთავის მეუღლის
ხელით. ამ ქალის ძმისწული იყო და ამასვე ეშვილა იგი.
პატარაობითგანვე ბერად შეეყნებულმა მალე დაისწავლა ზდა-
ვითნი და ხმით სასწავლელი სწავლად საეკლესიოდ სამოძღვ-
როდ, ქართულსა ენასა შინა ყოველი დაისწავლა და მწიგნო-
ბრობადჲა ისწავლა მრავალთა ენათად და საღმრთონი წიგნი
ზეპირით მოიწუართა, ხოლო სიბრძნეცა იგი ამის სოფლისაჲ
ფილოსოფოსთად ისწავა კეთილად... სიტყვად მისი იყო
შეზავებულ მარილითა მაღლისადთა: რაემს იტყვინ, ბრძნად
აღალის პირი თვისი და წერი განუჩინის ენასა თვისსაც. მისი
ეპისკოპოსად ხელდასხმა უნდოდათ, მაგრამ არ მოინდომა
დიდება ამ სოფლისა. შეიპირა თვისი დედის დისწული საბა
(შემდეგში—იშხნის მეორე მაშენებელი და ეპისკოპოსი), ნე-
ძეის მაშენებელი და მამად თეოდორე და კვირიკეთის მაშე-
ნებელი და მამად ქრისტეფორე და მათთან ერთად ქართ-
ლით წავიდა ოპიჩას და მერჩე ხანძთას, საცა მაშინ იყო
მეუღლაბნოვ ხევდი: მოეწონა ადგილ-მდებარეობა და ააგო საყ-
დარი, სადასაყუდებელო, სენაკები, მოიწვია მოლვაწენი,
თვით დადგა მონასტრის მამად და მალე სახელი გათქვა
მთელს საქართველოში. მის ხელ-ქვეშ გამოიზარდა არა ერთი
მოღვაწე, მათ შორის არსენი დიდი, რომელიც გრიგოლისა-
ვე რჩევით სასულიერო და სახორციელო კრებამ ამოიჩინა
კათალიკოსად სრულიად საქართველოისა აწყურის ეპ. ეფრემ,
იშხნის ეპ. საბა მერჩეს, მონასტრის დედა ცებრონიიდა და სხ.
ხანძთისათვის აშორ მეფისაგან შეწირულ აგარასაც განახლა,
აგარიანთა შემოსევის დროს გოხერებული შატბერდი, ააგო

სხვა მონასტრებიც, წავიდა აფხაზეთშიაც და იქაც ააგო მონასტრები. ყველგან გააჩაღა მწიგნობრობა და სიცოცხლე. ხანძთა ხომ შეიქმნა ქართველთა იერუსალიმად.

მონასტრების მიწა-წყლის შესახებ ასე მეტყველებს თვით გრიგოლი (იხ. მისი ცხოვრება: ნ. მარტისგამოც):

„ბუნებით ერთვამ არს კვეყანაც უდაბნოთაც მათ და კეთილადშეზავებულ მხისაგან და ჰაერისა, რამეთუ არცა ფრიადი სიცხე შესწავს მათ და არცა გარდარეული (=ნამეტანი) სიცივე შეაურვებს მყოფთა მისთა, არამედ განწესებით დგას თვისსა საზღვარსა უნოტიოც, უხორშავოც, უმიწოდ მზუარს, რამეთუ კაცთა ნახპნი (=ტერფნი) ფერხთანი არაოდეს თიხიან იქმნებიან სლვასა მათსა. ხოლო წყალი კეთილი, და შეზად ნებისაებრ უნაკლულოდ აქვს აღმოცენებული ქვიშათა მათ შინა ურიცხვი მაღნარი. და სიმრავლე წყალთა პამოთაც ბუნებით მხიარულებაა მოცემულ არს ლვთისაგან. და არს იგი უგზო და მიუვალ რამთურთით სოფლისა წყისითა მცხოვრებელთაგან, რამეთუ ლადოთა მათთა შინა მაღალთა არს მკვიდროებაა მათი და მორტყმულ არს ერთ კერძო მთაც იგი და ერთ კერძო შავშეთისა დიდთა წყალთა შეკრებისა გარემოსალვაა გარემოადგს ზლუდის სახედ უძრავისა და ესრეთ ყოვლისა კერძო შეზღუდვილ არიან მთათა მიერ და სევნებისა და წყალთა მათგან საშინელად ძნელოვანთა აღგილსა მაგალთადსა. და მონასტერთა მათ შინა არა არს სათიბელი კვეყანაც, არცა ყანაც სახნავი, არამედ დიდითა შრომითა როჭიერისა მისლვაა აქვს კარა ულისა ზურგითა, და მცირედ ვენახნი ჭირით და ურვით დაუნერგვიან და ეგრეთვე მტილები. ხოლო მხალთა ველისათაც არს სიმრავლე ურიცხვი“...

4. ზარზმა. ეს დიდებული მონასტერი ააშენა სერაპიონ ზარზმელმა, შიო-მღვიმელის მოწაფის მიქელის მოწაფებ. ყოვლისფრით შემკული შენობაა, მაგრამ აწ ოხრად ჰგია (იხ. სერაპიონ ზარზმელის ცნოვრება ჩვენს წიგნში „ქართული შეწრლობა“).

5. იშხანი მეორედ განაახლა გრიგოლ ხანძთელის დისტულმა საბამ, რომელიც მის ეპისკოპოსად შეიქმნა. იშხნის დედნით დაწერილია მეათე საუკუნეში წმ. დედათა ცხოვრებანი გაბრიელ პატარაის მიერ (№ 95). ვახუშტი სწერს: „არს იშხანს ციხეს ფრიად მაგარი, დიდშენი, და ეკლესია.

გუმბათიანი, დიდშევნიერად ნაერი. აქ იჯდა ეპისკოპოზი. მწყემსი ისპირისა, თორთომისა, ბაიბურდისა ვიდრე ტრაპი-ზონის მთამდე და აწ ცარიელ არს:

6. დოლისევანაში დიდებული საყდარი აგო მეფე სუმ-ბატმა († 958წ.). იმისი წარწერა: ქრისტე, აღიდე მეფე ჩვე-ნი სუმბატ მხეგრძელობით". საყდრის წინა კედელზე გამო-ქანდაკებულია მხის საათი.

7. ბანა ააშენა მეფე ადარნასემ (881—993) კვირიკეს ხელითდა ეს კვირიკე ეკუტახა ბანის ეპისკოპოსად. აქ ვმარხია მეფევახტანგი († 1445 წ.) და მისი ცოლი სითო-ზათუნ. ხელში გვაქვს აქ დაწერილი წიგნი (№ 1) ბრძანებითა ზაქარია ბა-ნელისათა.

8. ხახული თორთომის მდინარის ნაპირას. მასში მო-ლვაწეობლენ ბაგრატის შვილი ბასილი, მამა ილარიონ თუ-ლელი, ტაოსკარელ დავით კუტარბალატის მწიგნობართ უხუ-ცესი გიორგი. აქვე ალიზარდა საქართველოს შვენება—გიორ-გი მთაწმინდელი.

9. ეოშხი დაარსა მეფე ადარნასემ (888—923) და შეა მკო ჯოჯიკმა. ამან და ცოლმა მისშა აღზარდეს სსენებული ჩვენი სიამაყე გიორგი ბთაწმინდელი.

10 პარხალი საკეირველად აგებული ტაძარია, დაყრ-დნობილი მსუბუქ და მაღალ სეეტებზე, შორიდამ გამოიყუ-რება როგორც ორ სართულიანი შენობა. მასში მოღვაწე-ობდა მრავალი ჩინებული ქართველი, ბევრია აქ ტყავზე და-წერილი წიგნი, მაგალ. № 95, შრომა გაბრიელ პატარაია-ასი. დიდებული ბერას და მის ნათესავის მიქელ მოღრეეკი-ლის ქრისტომატიები შედგენილია ამ პარხალის მონასტერში-

ხანძთა, პარხალი, ხახული—ეს იყო ქართველთა იქრუ-სალიმი, საქართველოს განმანათლებელი ბრწყინვალე აკადემი-ასებრი კერიები.

11 ჭაძრისი, ახალციხის ახლოს, დედათ მონასტერი. აქ

მსახურებდა გიორგი მთაწმინდელის და საბიანა, რომელმაც
თავისს ძმას შეასწავლა ქართული ანბანი და მერე წარუ-
გზავნა აღსაზრდელად თავის ბიძებს გიორგის და საბას, ხახუ-
ლის მოღვაწეთ.

12. ტბეთი. აშოტ ერისთავთაჭერისთავმან, ძემან გურ-
გენ კურატებალატებისამან († 891 წელს), რომელსა ეწოდა
კუხი, აღაშენა ტბეთი შავშეთს, და განასრული იგი ყოფ-
ლითა განგებითა, და დასუა პირველად გპისკოპოსად სანატ-
რელი სტეფანე.⁴ აშოტ კუხი† 918 წელს. აქ მოხსენებული
სტეფანე ფრიად განათლებული კაცი იყო და ითვლებოდა
სასულიერო მწერლობის ცენტორად. მან დიდ-შვენიერად
დასწერა გობრონის ცხოვრება. ტბეთი დიდებული შენობაა,
მაგრამ აწ გაუქმდებულ — გავერანებულია. მასში ჰმარხია თვით
აშოტ კუხი. მიქელ მოდრეკილის საგალობო დიდ წიგნში
შენახულია სურათი ტბეთის მეორე ეპისკოპოსის წმ. იოვანესი
მის მიერ გამოთქმულ გალობებითურთ. 1028 წელს ტბეთი
შეიმოსა განსაკუთრებულ შარავანდედით. სწორეთ ამ წელს
ბერძნენთ იმპერატორი დიდის ლაშქრით შემოესია საქართვე-
ლოს. ბაგრატ მეფე მაშინ ცხრა წლის ყრმა იყო. მას განუ-
დგნენ ზოგი ერთი ბეკი ქართველები და მიემხრნენ ბერძ-
ნებს. მაგრამ მამულის თავისუფლებისთვის თავი გამოსდო
ტბეთის მაშინდელ ეპისკოპოსმა საბამ.

ტბეთის შესავალში წარჩინებულ მამული შეიილთა დახმარებით
საბამაშენა სიმაგრე-სფერი, ჩადგა შიგ მოიწვია ეზრა ანჩელიც,
შემოიმაგრა შავშეთი და აზნაურებთან ერთად სასტიკი ბრძო-
ლა აუტეხა მოეცულ მტრებს. ბევრი იბრძოლეს ანათ, ბევრი
ძალონე შეალიეს სვეტის დაპყრობას, მაგრამ ძრა ვერ უყ-
ვეს თავისუფლების სვეტს. ბოლოს ლიქნა-ქადებასაც მიძ-
მართეს, რათა მოისყიდონ ციხის მცველები, მაგრამ ვერას
გაზღნენ. თავისუფლებისთვის მებრძოლი ქართველები ერთ-
ურთს ამხნევედნენ სიტყვებით:

„ნუმცა შეგვიტყუებენ ჩვენ ლიქნანი ესე და საფასენი
მსწრაფლ წარმავალნი. მოვიგოთ მაღლი ერთგულობისა და
გვირგვინი ახოვნობისა, სიკვდილად გავსწიროთ თავნი თვისნი“

ბოლოს მტერი მოიღიალა ამაო ბრძოლით და გაშორდა,
საქართველოდამაც მთლად გავიდა.

და ასე, ნათლით მოსილ საბამ „და იჭირა ქვეყანაა შივ-
შეთისა, ქმნა დიდი ერთგულობა ბაგრატ მეფისა და ლმერთ-
მაც პატივ-სცა და ვერ წარუდეს ქვეყანა მტერთა“

ჯერ-ჯერობით ვასრულებ ჩემ წერილს ამ მოკლე გან-
ხილვით და თანვე ვურთავ მეოსნის მოწოდებას:

„მშინო, პატივით მიემართოთ თვალნი

წარსულთა ძევლთა საუკუნეთა:

მათში სახენი სჩანან ნათელნი

გმირთა მამულის განმადიდეთა“.

საჭიროა საქართველოს ნაწილების. შესწავლა ყოველ
მხრივ, იმ გეგმით მაინც, რომელიც ჩვენ საფუძვლად დაეუ-
დეთ ჩვენს შრომას „საინგილო“. ხოლო ავეთ შრომას ადგი-
ლობრივ მცხოვრებელზე უკეთესად ვერავინ შეასრულებს.
პაიდარ-ბეგ აბაშიძეს და მის მეუკისებს მიემართავ თხოვნით,
შეასრულონ ჩვენი გულითადი წადილი და მოგვცენ თავიანთ
მოქირნახულე და ბრწყინვალე სამშობლოს ვრცელი აღწერა.

ჰაპადიანი და ქრისტიანი ქართველები ყველა ღვიძლი
ძეგბი ვართ. ჩავჭიდოთ ხელი ერთმანეთს და პატიოსანის
შროშით აღვაყვავილოთ ჩვენი მარად მზიანი ტურფა სამშო-
ბლო.

მ. ჯანაშვილი.



ପାତ୍ରବିନ୍ଦୁ

